金剛經

訣

释净空啟題圖

麗

岡川

惠能大師述


法人華藏淨宗學會社團

Ep

贈

净空改

題



◎禪宗六祖慧能大師肉身相

俗姓盧,嶺南人,唐貞觀十二年(西元六三八年)生, 聞元元年(西元七一三年)圓寂,少貧鬻薪奉養寡母,年二 十四往黄梅參禮五祖,受衣法,爲第六代祖,遂南遯十餘年 ,旋於南海曹溪,大闡東山法門,座下弟子悟道者四十餘人 ,由是宗門大興。

金剛般若波羅蜜經

溪六祖 大師恵能解義 亦 決并序

善之心 眞 之 夫金 疑 凡 意 心 聞 八 如 百 剛 便 本 0 0 若 了 餘 體 令 經 0 者 經 於 家 人 0 0 是 此 若 即 悟 0 0 聖 所 不 無 無宿 經 理 ^{灬相}為宗。 假立 人 說 見 0 語 得 慧 道 性 旨 者 理 法 0 0 教 無 祗 0 0 0 0 人 疑 各 此 無 讀 爲 聞之 住。 誦 隨 經 世 0 爲。 不 雖 所 讀 人 假 體 0 多 見 不 誦 超 解 者 見 0 0 0 妙 凡 說 不 見 自 無 悟 雖 有。 悟 數 性 0 爲。 聖 從 佛 不 0 0 上 意 用。 同 稱 是 0 永 如 讚 以 0 0 0 息 自 來 是 者 立 法 迷心 所 故 即 無 見 從 達摩 說 性之 解 無二 邊 釋 善 0 0 此 法 聖 0 造 法 西 義 宿 疏 來 0 0 卷 爲 植 世 及 0 註 經 除 斷 上 人 爲 根 若 凡 除 解 傳 0 學者 眾 夫 者 者 此 了 生 不 見 經 0

金

剛

經

訣

角 名 剛 發 明 性 悟 本 更 心 煩 能 般 師 不 内 T 中 0 0 0 若 惱。 請 自 壞 其 用 過 心 本 0 能。 意 波 說 訣 於 性 佛 有 0 0 金 謂 羅 與 數 不 亂。 金 0 0 0 所 不 剛 何 蜜 法 剛 量 持 方 安 自 經 冀 内 信 喻 0 煩 0 0 名 學 不 見 佛 以 以 經 _ 0 惱 者 性 金 是 在 切 者 0 可 0 雖 名 令 諸 舍 思 故 0 剛 0 0 堅 字 造 羖 後 世 衛 同 議 佛 但 0 羊 界 此 人 或 見 0 讀 0 0 般 從 角 之 汝 依 鑛 後 經 誦 0 若 之 當 喻 寶 而 因 中 訣 此 文 智 字 金 學 煩 奉 受 須 經 0 0 能 惱 其 持 持 菩 性 者 令 出 破 諸 若 提 性 0 0 0 0 0 0 0 今 金 猛 如 故 起 以 讀 學 悟 羖 恐 雖 利 來 經 問 智 經 者 本 羊 世 堅 所 慧 心 云 0 有 0 0 角 剛 能 說 佛 火 疑 持 人 0 0 雖 佛 大 鎔 身 始 壞 金 内 0 0 堅 羖 告 外 諸 剛 悲 錬 見 心 知 0 羊 此 此 物 般 須 爲 經 覓 0 鑌 若 鑛。 角 菩 說 解 佛 經 0 0 鐵 7 能 金 波 提 0 去。 義 0 不 能 金。 在 碎 羅 然 向 雖 0 須 0 壞 存。 文 菩 自 外 至 蜜 是 疑 0 字 佛 堅 經 提 心 見 求 0 0 悟 我 清 經 性。 聞 釋 喻 名 0 0 若 此 雖。 羖 法 爲 法 釋 然 淨 0 理 堅。 羊 爲 金 得 迦 佛 不 能 0

名 鑛 鑛 喻 四 用 中 齊 說 者 也 大 等 中 金 I. 0 得 了 以 有 斤 身 山 剛 0 0 空 覺 然 佛 中 遇 不 內 喻 0 解 悟 性 精 金 知 者 見 無 0 寶 是 不 火 進 師 性 佛 堅 0 行 烹 勇 性 寶 祗 0 0 古 0 鏨 0 鋉 佛 猛 亦 0 爲 涅 0 有 性 鑿 寶 世 槃 0 喻 爾 定 名 寶 鏨 亦 見 山 人 經 0 慧 É 中 云 無 嫯 身 破 不 性 即 體 金 有 0 喻 知 無 0 亡 0 智 剛 身 取 是 堅 見 世 0 0 慧 鑛 解 佛 世 界 山 古 佛 口 義 性 工 界 烹 性 0 0 0 誦 何 修 匠 中 鍊 口 不 人 0 心 行 了 雖 名 有 我 以 0 0 行 然 故 用 人 喻 遂 誦 眾 名 成 明 智 我 經 生 山 0 定 體 慧 爲 淨 山 精 0 0 0 慧 光 倶 工 煩 金 無 不 0 0 均 備 性 明 是 斤 惱 見 人 0 等 故 隨 故 不 佛 我 喻 0 0 不 以 鑿 山 意 0 生 性 鑛 0 是 使用 修 破 中 人 金 是 0 0 即 名 剛 人 有 佛 則 外 名 究 凡 我 有 爲 煩 性 誦 默 0 竟 夫 得 喻 山 惱 喻 性 內 生 冤 鑛 行 0 0 0 金 0 0 0 脩 貧 金 大 見 取 0 如 0 0 即 爲 煩 煩 智 苦 其 在 光 來 之 同 慧 惱 惱 寶 0 山 明 所

聖

智

0

故

名

金

剛

也

0

何

名

般

若

0

般

若

是

梵

語

0

唐

言

智

慧

0

智

者

不

起

愚

心

慧 者 有 其 方 便 0 智是慧體 0 慧是 智用 0 體若 有 慧 0 用 智 不 愚 0 體 若 無 慧 0

岸 用 0 愚 到 無 彼 智 岸 0 者 祇 0 爲 離 愚 生 癡 滅 未 義 悟 0 祗 故修智慧以除之也。 緣 世 人 性 無 堅固 0 於 何 _ 名 切 波 法 羅 上有 蜜 生 0 唐 滅 言 相 到 0 流 彼

彼 相 浪 岸 諸 0 即 趣 0 是 口 0 說 到 未 彼 到 心 行 岸 眞 如之 0 也 即 0 地 自。 亦 法。 云 0 身。 心 並 有。 迷 是 則 此 波。 岸 羅。 此 岸 蜜。 0 要 0 0 具 心 說 大 悟 智 則 心 不 慧 彼 岸 行 0 於 0 0 即 心 _-切 無 邪 波 法 則 羅 此 員 岸 滿 蜜 0 0 0 何 心 離 名 生 正 爲 則 滅

經 0 經 者 0 徑 也 0 是 成 佛 之道 路 也 0 凡 人 欲 臻 斯 路 0 當 內 修 般 若 行 0 以 至

究 竟 0 如 或 但 能 誦 說 0 心 不 依 行 0 則 無 經 0 實 見實行 0 自心 則 有 經 故 此

經

如

來

號

爲

金

剛

般若

波羅

蜜

經

四

姚秦三藏法 師 鳩摩羅 什奉

唐 六祖· 大師 惠 能 校刊

訣

羅 史 鳳 適

河

會因由分 第 丞相張無盡居士云 , 非法無以談空 0 非 慧

無以說法 0 萬法森然曰因 。一心應感曰由 ,故首: 以法會因由分。

如 我 聞。

如 者指義 金 剛 經 0 口 訣 是者定詞。 阿難自稱如是之法 。我從佛聞 0 明不自說也。

Ъ.

剛 經 口訣

故言如是我聞。又我者性也。性即我也。內外動作。皆由於性。一切

盡聞。故稱我聞也。

時佛在舍衛國祇樹給孤獨園。

覺。知心空寂。不被六塵所染。外不見人過。內不被邪迷所惑。故名 袁 言一時者。師資會遇齊集之時也。佛者是說法之主。在者欲明處所。 言祇樹也。給孤獨者。須達長者之異名。園者本屬須達。故言給孤獨 舍衛國者波斯匿王所在之國。祇者太子名也。樹是祇陀太子所施 「。佛者梵語。唐言覺也。覺義有二。一者外覺。觀諸法空。二者內 。故

。覺即是佛也。

與大比丘衆千二百五十人俱

言與者。佛與比丘同住金剛般若無相道場。故言與也。大比丘者。是 大阿羅漢故。比丘者梵語。唐言能破六賊。故名比丘。眾,多也。千

爾時世尊食時,著衣持鉢。入舍衛大城。乞食於其城中。

二百五十人者。其數也。俱者。同處平等法會。

波斯匿王所居之城。故言舍衛大城也。言乞食者。表如來能下心於一 爾時者。當此之時。是今辰時。齋時欲至也。著衣持鉢者。爲顯教示 迹故也。入者爲自城外而入也。舍衛大城者。名舍衛國豐德城也。即

次第乞已還至本處飯食訖收衣鉢洗足已敷座而坐。

切眾生也

次第者不擇貧富。平等以化也。乞已者。如多乞不過七家。七家數

金剛經口訣

滿 。更不至餘家也。還至本處者。佛意制諸比丘。除請召外。不得輒

向白衣舍。故云爾。洗足者。如來示現。順同凡夫。故言洗足。又大

垢悉除矣。如來欲說法時。常儀敷旃檀座。故言敷座而坐也

。不獨以洗手足爲淨。蓋淨洗手足。不若淨心。一念心淨

。則罪

乘法

善現起請分第一 從空起慧請答雙彰。故受之以善現起請分。

時長老須菩提。

何名長老。德尊年高。故名長老。 須菩提是梵語 。唐言解空也

在大衆中。即從座起。偏袒右肩。右膝著地。合掌恭敬而

白佛言。

隨眾生所坐。故云即從座起。弟子請益。行五種儀。一 者從座而起。

二者端整衣服。三者偏袒右肩 。右膝著地 0 四者合掌 。瞻仰尊顏 目

希有世尊。

不暫捨。五者一

心恭敬。

以申問辭

o

磨金容三十二相。八十種好。三界無比。第三希有。性能含吐八萬四 希有略說三義。第一 希有。能捨金輪王位。第二希有。身長丈六。紫

界 千法。三身俱圓備 0 無有能及者 。德高更無有上。 。以具上三義。 故云希有也。 一切咸恭敬 0 故 世尊者 百世尊 0 智慧超過三 0

如來善護念諸菩薩善付囑諸菩薩。

如來者。自真如來之本性也。護念者。以般若波羅蜜法。護念諸菩

金剛經口訣

者。令諸學人。以般若智。護念自身心。不令妄起憎愛。染外六塵。 薩 。付囑者如來以般若波羅蜜法。付囑須菩提諸大菩薩 。言善護念

墮生死苦海。於自心中。念念常正。不令邪起。自性如來。自善護 念。言善付囑者。前念清淨。付囑後念。後念清淨。無有間斷。究竟

菩薩者梵語。唐言道心眾生。亦云覺有情。道心者。常行恭敬。乃至 解脱。如來委曲誨示眾生。及在會之眾。當常行此。故云善付囑也。

善男子者平坦心也。亦是正定心也。能成就一切功德。所往無碍也。

善女人者。是正慧心也。由正慧心。能出生一切有爲無爲功德也

發阿耨多羅三藐三菩提心云何應住云何降伏其心。

須菩問一切發菩提心人。云何應住。云何降伏其心。須菩提見一切眾 生躁擾不停。猶如隙塵。搖動之心。起如飄風。念念相續 。無有間

佛言善哉善哉須菩提如汝所説如來善護念諸菩薩。

歇。問欲修行。如何降伏。

善付囑諸菩薩。

是佛讚歎須菩提 。善得我心。善得我意也。

汝今諦聽當爲汝説。

佛欲說法。常先戒敕。令諸聽者。一心靜默。吾當爲說。

金 剛 經 訣

善男子。善女人。發阿耨多羅三藐三菩提心。應如是住。

如是降伏其心。

無上清淨般若波羅蜜也。是以一切善男子善女人。若欲修行 也。智者。知一切有情皆有佛性。但能脩行。盡得成佛。三者 者 阿之言無。耨多羅之言上。三之言正。藐之言徧。菩提之言知。無 上菩提道。應知無上清淨般若波羅蜜多法。以此降伏其心也。 。無諸垢染。上者。三界無能比。正者。正見也。徧者。一 。應知無 l。即是 切智

唯然世尊願樂欲聞。

唯然者應諾之辭。願樂者願佛廣說。令中下根機。盡得開悟。樂者

樂聞深法。欲聞者。渴仰慈誨也。

大乘正宗分第三 宗絕正邪。 乘無大小。 隨三根而化度

簡異說而獨尊。故受之以大乘正宗分。

佛告須菩提諸菩薩摩訶薩應如是降伏其心

名摩訶薩。又慈悲喜捨。種種方便。化度眾生。名爲菩薩。能化所化 前念清淨 。後念清淨。名爲菩薩。念念不退。雖在塵勞。心常清淨

變。 如者不異。遇諸境界。心無變異。名曰真如。亦云外不假曰真

心無取著。是名摩訶薩。恭敬一切眾生。即是降伏自心處。眞者不

內不虛曰如。念念無差。即是降伏其心也。不虛一本作不亂

所有一切衆生之類若卵生若胎生若濕生若化生若

金剛經口訣

有色。一天 若無色。無色 若有想。讓處 若無想。 無處 馬處 有

想非無想。非想非非 垢心。 妄。不學慈悲喜捨智慧方便。猶如木石。無有作用。名爲無想。不著 惟 迷故造諸業。習故常流轉。隨邪心不定。見趣多淪墜。起心修心 卵生者迷性也。胎生者習性也。濕生者隨邪性也。化生者見趣性也。 言直心是佛 見是非 一法想。故名若非有想。求理心在。故名若非無想 。愛著法相 身形無數。總名眾生。 。內不契無相之理。名爲有色。內心守直。不行恭敬供養 0 。口說佛行。心不依行。名爲有想。迷人坐禪。一 不修福 我皆令入無餘涅槃。 慧。名爲無色。不了中道。眼見耳聞 如來大悲普化。皆令得入無餘涅槃云。 0 煩惱萬差 。 心 向除 皆是 想思 。 妄 0 但

多淪墜一作墮阿鼻也。

而滅度之。

淨無餘涅槃。同渡生死大海。同諸佛所證也。有人雖悟雖修。作有所 得心者。却生我相。名爲法我。除盡法我。方名滅度也 此也。度者渡生死大海也。佛心平等。普願與一切眾生。同入圓滿清 習氣煩惱也。涅槃者。圓滿清淨義。滅盡一切習氣。令永不生。方契 如來指示三界九地眾生。各有涅槃妙心。令自悟入無餘。無餘者。無

如是滅度無量無數無邊衆生實無衆生得滅度者。

諸業障滅盡更無有餘。是名大解脫。無量無數無邊眾生。元各自有一 如是者。指前法也。 滅度者大解脱也。大解脱者。煩惱及習氣 。 一 切

金剛經口訣

切煩惱貪嗔惡業。若不斷除。終不得解脫。故言如是滅度無量無數無

理。我人不除。是名眾生。若離此病。實無眾生得滅度者。故言妄心 眾生。祗爲凡夫不見自本心。不識佛意。執著諸法相。不達無爲之 邊眾生。一切迷人。悟得自性。始知佛不見自相。不有自智。何曾度

何以故。須菩提。若菩薩有我相人相衆生相壽者相即

無處現菩提。生死涅槃本平等。何滅度之有

非菩薩

相即是佛。迷即佛是眾生。悟即眾生是佛。迷人恃有財寶學問族姓 眾生佛性無有異。緣有四相。不入無餘涅槃。有四相即是眾生。 無四

輕慢一切人。名我相。雖行仁義禮智信。而意高自負。不行普敬

我解行仁義禮智信。不合敬爾。名人相。好事歸己。惡事施於人。名

相 眾 生 相 。心有能所。 。對境取捨分別。名壽者相。是謂凡夫四相。修行人亦有四 輕慢眾生 。名我相。 恃持戒。 輕破戒者。名人相 諸執不忘 厭

是壽者相。有四相即是眾生。無四相即是佛也。 三塗苦 。願生諸天。是眾生相。心愛長年。而勤修福業 0

妙行無住分第四 得宗而行。 不住於相。故受之以妙行 無

住分。

色布施不住聲香味觸法布施。復次須菩提菩薩於法應無所住行於布施所謂不住

凡 ?夫布施。祗求身相端嚴。五欲快樂。故報盡却墮三塗。世尊大慈

剛 經 訣

教行無相布施者。不求身相端嚴。五欲快樂。但令內破慳心。外利益

須菩提菩薩應如是布施不住於相。

切眾生。如是相應。爲不住色布施。

應如是無相心布施者。爲無能施之心。不見有施之物。不分別受施之

何以故若菩薩不住相布施。其福德不可思量。

人。是名不住相布施也。

者。連前起後之辭。一說布者普也。施者散也。能普散盡心中妄念習 菩薩行施。無所希求。其所獲福德。如十方虛空。不可較量 。言復次

境界。又不有漏分別。惟當返歸清淨。了萬法空寂。若不了此意。惟 氣煩惱。四相泯絕。無所蘊積。是眞布施。又說布施者。由不住六塵

增諸業 0 故須內除貪愛。外行布施。內外相應。獲福無量 。見人作

惡。不見其過。自性不生分別。是名離相。依教修行。心無能所。即

是善法。修行人心有能所。不名善法。能所心不滅。終未得解脫。念

養 念常行般若智。其福無量無邊。依如是修行。感得一切人天恭敬供 。是名爲福德。常行不住相布施。普敬一切蒼生。其功德無有邊

際。不可稱計。

須菩提於意云何東方虛空可思量不不也世尊。

菩提 緣不住相布施。所得功德。不可稱量。佛以東方虛空爲譬喻。故問須 。東方虛空可思量不。不也。世尊者。須菩提言。東方虛空不可

思量也。

剛經口訣

金

一 九

經 П 訣

須菩提。菩薩無住相布施。福德亦復如是不可思量。 須菩提南西北方。四維 上下虛空可思量不不也世尊。

無我 佛性 眞 住 此虚空中無東西南北。若見東西南北。亦是住相。不得解脫 大 佛言虛空無有邊際。不可度量 空。不可 相 南北曷異 人眾生壽者。若有此四相可見。即是眾生性。不名佛性 布 0 切諸 施 何 度量 也 以 0 性 故 0 。自性本來空寂混融 雖於妄心 0 皆有限量 無邊際也。世界中大者莫過虛空。一切性中大者莫過 凡有形 中說有東西南北 相者。不得名爲大。虛空無形相 。不得名爲大。佛性無有限量。故名爲大 。菩薩無住相布施 無所分別 。在理則 故如來深讚不生分別 何有 0 所得功德亦如 0 所謂 故得名爲 0 0 佛性本 亦所 東 西不 虚 0

0

0

也

須菩提菩薩但應如所教住。

應者唯也。但唯如上所說之教。住無相布施。即是菩薩也。

如理實見分第五 行行皆如。謂之實見。故受之以如理實

見分。

見。 色身即有相。法身即無相。色身者。 法身者 0 無有形段。非有青黃赤白。無一 四大和合。父母所生。 切相貌。 非肉眼能見 肉眼所 o

氽 剛 縕 П 訣

慧眼乃能見之。凡夫但見色身如來。不見法身如來。法身身等虛空

是故佛問須菩提。可以身相見如來不。須菩提知凡夫但見色身如來。

不見法身如來。故言不也。世尊。不可以身相得見如來

何以故如來所説身相即非身相。

行。方信一切眾生。同一真性。本來清淨。無有垢穢。具足恆沙妙 不能行無住相布施。不能於一切處行平等行。不能普敬一切眾生。見 法身者。即能行無住相布施。即能普敬一切眾生。即能修般若波羅蜜 法身不生善處。色身作善。法身不墮惡處。凡夫唯見色身。不見法身 色身是相 。法身是性。一切善惡。盡由色身。不由法身。 色若作惡

用

0

佛告須菩提凡所有相皆是虛妄若見諸相非相則見

如 來。

如來欲顯法身 っ 說 一 切諸相皆虚妄。若見是一切諸相虚妄不實 ?。即見

如來無相之理也。

正信希有分第六 見而信之。 善根深固。故受之以正信希

有分。

實信不。 須菩提白佛言。世尊頗有衆生。得聞如是言説章句。生

須菩提問。此法甚深難信難解。末世凡夫智慧微劣。云何信入。 佛答

金 剛 經 詇

几

在次下。

佛二佛三四五佛而種善根已於無量千萬佛所種福者。於此章句能生信心以此爲實當知是人不於佛告須菩提。莫作是説如來滅後。後五百歲有持戒: 善根。聞是章句。乃至一念。生淨信者。

造生死業。一切時中。心常空寂。不被諸相所縛。即是無所住心。於 於我滅後 如來深法 劫二劫三四五 。心能信入。此人所有言說。真實可信。何以故。此人不於 。後五百歲 |劫而種善根。已於無量千萬億劫 。若復有人。 能持大五 乘無相戒 0 種諸 0 不妄取諸 善根 。是故如 相

來說

。我滅後。後五百歲。有能離相修行者。當知是人。不於一二三

四五佛。種諸善根。何名種諸善根。略述次下。所謂於諸佛所。一心

供養 。隨順教法。於諸菩薩善知識師僧父母。耆年宿德尊長之前處 o

起慈悲心。不生輕厭 常行恭敬 。承順教命。不違其意 0 有所需求 0 。是名種諸善根。於一 隨力惠施 0 是名種諸善根 切貪苦眾生 0 於一切

心 。是名種諸善根。於六道眾生。不加殺害。不欺不賤。不毀不辱

惡類

。自行和柔忍辱

0

歡喜逢迎

。不逆其意。令彼發歡喜心。息剛戾

羅蜜能除 不騎不箠。不食其肉 切煩惱 0 信般若波羅蜜能成就一切出世功德 信自身中佛性本來清淨 。常行饒益 。是名種諸善根。信心者 無有染污與諸佛佛 0 信般若波羅 。信般若波

也 等無二。信六道眾生本來無相。信一切眾生盡能成佛。是名清淨信心

蜜能出生一

切諸佛

0

0

性平

金 剛 經口訣

以故。是諸衆生。無復我相人相衆生相壽者相。無法相 須 提如 來悉知悉見是諸衆生得如是無量福德何

亦無非法相。 行識 若有人於如來滅後。發般若波羅蜜心。行般若波羅蜜行。修習悟解 邊 有 若波羅蜜無相無著之行 得佛深意者。諸佛無不知之。若有人聞上乘法。一心受持 心 無 也 無法相者。離名絕相。不拘文字也。亦無非法相者。不得言無般 也 0 遠離二邊。自心如來。自悟自覺 無壽 無人者。了四大不實 者 0 我 身本 無 。了無我人眾生壽者四相 0 甯有壽者。 0 終歸 地水火風 四 。永離塵勞妄念 [相既亡 也 0 0 0 無我者 即法 無眾生者 眼 。自然得 明 澈 即能行般 無色受想 無生 不 福 著 滅 無

若波羅蜜法。若言無般若波羅法。即是謗法。

我取何 人衆生壽者。人衆生壽者。何以故若取非法相即著我人衆生壽者。何以故若取非法相即著以故。是諸衆生若心取相。即爲著我人衆生壽者。若以故。是諸衆生若心取相。即爲著我人衆生壽者。若

取此三相 三十二相。不得言我解般若波羅蜜法。亦不得言不得般若波羅蜜行 0 **竝著邪見。盡是迷人。不悟經意** 。故修行人不得愛著如來

而得成佛。

比丘。知我説法如筏喻者。法尚應捨。何況是故不應取法。不應取非法。以是義故如 來常說汝等

金剛經口訣

法者 切眾生過生死大海。既得過已。尙不應住。何況生天等法。而得樂 。是般若波羅蜜法。非法者。生天等法。般若波羅蜜法 。能令一

著。

無得無説分第七 無得之得。是名眞得。無說之說。是名

真說。故受之以無得無說分。

來有所説法耶須菩提言如我解佛所説義無有定法。須菩提於意云何如來得阿耨多羅三藐三菩提耶如 名阿耨多羅三藐三菩提亦無有定法如來可說。

阿耨多羅。非從外得。但心無能所即是也。祇緣對病設藥。隨機宜爲

說。何有定法乎。如來說無上正法。心本無得。亦不言不得。但爲眾

指示一切眾生。妄心生滅不停。逐境界動。於前念瞥起。後念應覺 生所見不同。如來應彼根性。種種方便。開誘化導。俾其離諸執著

念。耨多羅者。心無驕慢。三者。心常在正定。藐者。心常在正慧。 覺既不住。見亦不存。若爾。豈有定法爲如來可說也。 阿者 。心無妄

三菩提者。心常空寂。一念凡心頓除。即見佛性。

何以故如來所説法皆不可取不可説非法非非法。

恐人執著如來。所說文字章句。不悟無相之理。妄生知解。故言不可 取 。如來爲化種種眾生。應機隨量 0 所有言說 。亦何有定乎。學人不

解如來深意。但誦如來所說教法。不了本心。終不成佛。故言不可

說 。口誦心不行即非法。口誦心行。了無所得。即非非法 0

所以者何。一切賢聖皆以無爲法而有差別。

皎。 智慧 住 三乘根性。所解不同。見有深淺。故言差別。佛說無爲法者。即是無 0 鑒覺無礙。乃眞是解脫佛性。 無住即是無相。 。智慧即是般若波羅蜜多。又本云聖賢說法。具一切智 無相即無起。無起即無滅。蕩然空寂。照用齊 佛即是覺。覺即是觀照。 觀照即是 。萬法在

性。隨問差別。令人心開。各自見性。

依法出生分第八 無得無說。 怖於沈空。一 切諸佛皆從此

經出。故受之以依法出生分。

故。施。須是是菩 是福德即非福德性是故如來說福德多。 提於意云何若 、所得福德。寧爲多不。須菩提 言甚多世尊。

德性 若波羅蜜多修行 三千大千世界七寶持用布施 。能所心滅 o 令自性不墮諸有 是名福德性 。福德雖多。 。 心 依佛教 。是名福德性 於性上一 行同 佛行 0 心有能 無利 是名福 益 所 0 依摩 0 德性 即 訶般 非

不依佛教。不能踐履佛行。 即非福德性

0

0

0

福

復 彼。有 人。於此經中。受持乃至四句偈等。爲他人說其

金

剛

。大意盡在四句 '中。何以知其然。以諸經中讚歎 四 句 傷即

行。方得成佛。般若心經云。三世諸佛。依般若波羅蜜多。 是摩訶般若波羅蜜多。以摩訶般若爲諸佛母。三世諸佛。皆依此經修 故得阿耨

义女。頁字是一刃者弗及者弗爲人演說是利他。功德廣大。無有邊際。

多羅三藐三菩提

。從師所學曰受。解義修行曰持

0

自解自行是自利

以故須菩提一 切諸佛及諸佛阿耨多羅三藐三菩

提法。皆從此經出。

何

者 此 經者 切諸佛及阿耨多羅三藐三菩提法。皆從覺照生。 即智也 。非指此一卷之文也。 。慧以方便爲功。 智以決斷爲用 耍顯佛性。從體起用 0 即 故云此經出也。 切時中覺照心 0 妙利無窮 般若

須菩提。所謂佛法者。即非佛法。

觀月。月不是指。指不是物。但依經取法。經不是法。經文則肉眼可 所說一切文字章句。如標如指。標指者。影響之義。依標取物。依指

即不解佛意。不解佛意。則誦經不成佛道。

見。法則慧眼能見

。若無慧眼者。但見其文。不見其法。若不見法

相無相分第 九 果雖有四。相本無二。故受之以一 相 無

相分。

須菩提於意云何須陀洹能作是念我得須陀洹果不。

須菩提言不也世尊。

金剛經口訣

須陀洹者梵語 。唐言逆流 。逆生死流。不染六塵 一向修無漏業

三四

麤重煩惱不生。決定不受地獄畜生修羅異類之身。名須陀洹果。若了

法是名須陀洹。名爲入流而無所入不入色聲香味觸何以故。須陀洹名爲入流而無所入不入色聲香味觸

無相法。即無得果之心。微有得果之心。即不名須陀洹。故言不也。

流者。聖流也。須陀洹人也。離麤重煩惱。故得入聖流。而無所入。

無得果之心也。須陀洹者。乃修行初果也。

須菩提言不也世尊。何以故斯陀含名一往來而實無 須菩提於意云何斯陀含能作是念我得斯陀含果不。

往來是名斯陀含。

滅。無第二生滅。故名一往來。前念起妄。後念即止。前念有著。後 生死。三界業盡 斯陀含名一 斯陀含者梵語。唐言一往來。捨三界結縛 往來 |。名斯陀含果。大乘斯陀含者。目觀諸境。心有一生 0 往來從天上却到人間生。 。三界結盡 從人間却生天上竟 。故名斯陀含 0 遂出

須菩提言不也世尊。何以故。阿那含名爲不來。而實無 不來。是故名阿那含。 須菩提於意云何阿那含能作是念我得阿那含果不。

念即離

0

故實無往來。

阿那含梵語。唐言不還。亦名出欲。出欲者外不見可欲之境 三六 內無欲

永盡。決定不來受生。是故名阿那含 心可行。定不向欲界受生。故名不來。而實無來。亦名不還。以欲習

須菩提於意云何阿羅漢能作是念我得阿羅漢道不。

須菩提言不也。世尊。

若作得果之心。即是有諍。 諸漏已盡。無復煩惱。名阿羅漢。阿羅漢者。煩惱永盡。與物無諍 0

得阿羅漢道即爲著我人衆生壽者。 何以故實無有法名阿羅漢。世尊。若阿羅漢作是念。我

阿 .羅漢梵語。唐言無諍。無煩惱可斷。無貪瞋可離。性無違順

俱空。 內外常寂。若有得果之心。 即同凡夫。故言不也

是第一

離欲

阿羅漢。我不作是念我是離欲阿羅漢。世尊佛説我得無諍三昧。人中最爲第一。

見 昧 是無諍三昧。修此三昧。人中最爲第一。若有一念得果心。即不名無 何名無諍三昧。謂阿羅漢心無生滅去來。惟有本覺常照。 0 。三昧梵語 然空中亦有明暗諍。性中有邪正諍。念念常正。無一念邪心 。此云正受。亦云正見。遠離九十六種邪見 故名無諍三 。是名正 。 即

諍三味

世尊。我若作是念。我得阿羅漢道。世尊即不説須菩提

金剛經口訣

樂阿蘭那行。以須菩提實無所行而名須菩提是樂阿蘭那行者。以須菩提實無所行。而名須菩提是

得心也。若存有所得心。即是有諍。有諍即非清淨道 阿 蘭那梵語。 唐言無諍行。 無諍即是清淨行。 清淨行者。 常得無所得 爲除去有 所

0

心。即是無諍行也。

莊嚴淨土分第十 莊嚴。故受之以莊嚴淨土分。 清淨心生。 是爲淨土。 莊嚴所相

0 即 非

得不不也世尊如來在然燈佛所於法實無所得。佛告須菩提於意云何如來昔在然燈佛所於法有

本無塵勞 可得不。須菩提即謂法因師開示 白佛言 佛恐須菩提有得法之心。爲遣此疑。故問之。須菩提知法無所得。而 不也。然燈佛是釋迦授記之師。故問須菩提。我於師處有法 寂然常然 0 即自成佛 o 0 當知世尊在然燈佛所 而實無所得 。但悟自性本來清淨 於法實無所

須菩提於意云何菩薩莊嚴佛土不不也世尊何以故。

得

。如來法者。譬如日光明照。無有邊際。而不可取。

莊嚴佛土者即非莊嚴是名莊嚴。

清淨佛土

0

無相

無形

。何物而能莊嚴耶。

唯以定慧之寶

。假名莊嚴

0

嚴見佛土。見一 事理莊嚴有三。第一莊嚴世間佛土。造寺寫經布施供養是也。第二莊 切人。普行恭敬是也。第三莊嚴心即佛土 0 心淨佛土

金剛經口訣

淨。念念常行佛心是也

是故須菩提諸菩薩摩訶薩應如是生清淨心不應住 色生心不應住聲香味觸法生心應無所住而生其心

雲蔽天 不住色生心 生心。即是迷人。見色離色。不住色生心。即是悟人。住色生心。如 不自淨其心。愛著清淨處。心有所住。即是著法相。見色著色。住色 性常生智慧。行平等慈悲心。恭敬一切眾生。是修行人清淨心也 此修行人不應談他是非。自言我能我解心輕未學。此非清淨心也。自 。不住色生心。如空無雲。日月長照。住色生心。即是妄念 。即是真智。妄念生則暗。真智照則明。明即煩惱不生

暗則六塵競起

0

几 0

不。須菩提言甚大世尊何以故佛説非身是名大身。須菩提譬如有人。身如須彌山王於意云何是身爲

色身雖大。內心量小。不名大身 0 內心量大。等虚空界。方名大身

色身縱如須彌山王。不爲大也。

無爲福 勝無比 。故受之以無爲福勝分 勝分第十一 有爲之福 0 0 限 量有窮 0 無爲 之福

殊

尚多無數何況其沙須菩提。我今實言告汝若有善男 是諸恆河沙寧爲多不須菩提言甚多世尊但諸須菩提如恆河中所有沙數如是沙等恆河於意 **公意云何**。 恆 河

訣

善男子。善女人。於此經中。乃至受持四句偈等。爲他人 用布施。得福多不。須菩提言。甚多。世尊。佛告須菩提。子。善女人。以七寶滿爾所恆河沙數三千大千世界。以 説而此福德勝前福德。

無上道。當知受持福德。勝前七寶福德 布施七寶。得三界中富貴報 。講說大乘經典。令諸聞者生大智慧 成

尊重正教分第十二 是經所在天龍敬事 。故受之以尊重

正 一教分。

復次須菩提隨説是經乃至四句偈等。當知此處。一

世間天人阿修羅皆應供養如佛塔廟。

若不清淨 淨爲說是經 故言如佛塔廟 所心說。若能遠離諸心。常依無所得心。即此身中有如來全身舍利 所 阿修羅等 在之處 0 0 但爲名聲利益而說是經者 如有 0 0 皆來供養持經人也。 令諸聽者除迷妄心 。以無所得心說此經者。感得天龍八部 人即說是經。若念念常行無念 0 悟得本來佛性 。死墮三塗 。心無所得心。 0 有何 常行眞實 0 利益 悉來聽受。心 。心若清 感得天 不 作能

弟第 何 況有 希有之法。若是經典所在之處。即爲有佛。若尊重 人盡能受持讀誦須菩提。當知是人成就 最

金 剛 紦 \square 訣

自心誦得此經。自心解得經義。自心體得無著無相之理 О 所 在之處

匹几

佛。

常修佛行

。念念心無有間歇

即自心是佛

0

故言所在之處

則爲有

如法受持分第十三 至道. 無名。假之方便。 以是名字

行者受持。故受之以如法受持分。

波羅蜜。當奉持。所以者何。須菩提。佛説般若波羅蜜即非般若 佛告須菩提是經名爲金剛般若波羅蜜以是名字波爾時須菩提白佛言。世尊當何名此經我等云何奉持。

佛說般若波羅蜜 。令諸學人用智慧除却愚心生滅 。生滅除盡。 即到 彼

岸 。若心有所得 。不到彼岸。心無一法可得。即是彼岸。口說心行

乃是到彼岸。

須菩提於意云何如來有所説法不須菩提白佛言世

尊如來無所說。

羅蜜法 得 佛問須菩提。如來說法。心有所得不。須菩提知如來說法。心無所 1。故言無所說也。如來意者。欲令世人離有所得之心。故說般若波 ·。令一切人聞之。皆發菩提心。悟無生理。成無上道

須菩提於意云何三千大千世界所有微塵是爲多不。

金剛經口訣

須菩提言。甚多。世尊。須菩提。諸微塵如來説非微塵。是

名微塵如來說世界非世界是名世界。

念空寂 塵。性中無塵勞。即是佛世界。心中有塵勞。即是眾生世界。了諸妄 名微塵。了真即妄。了妄即真。真妄倶泯。無別有法。故云是名微 念微塵起滅不停。遮蔽佛性。不得解脱。若能念念真正修般若波羅蜜 如來說眾生性中妄念。如三千大千世界中所有微塵。一切眾生。被妄 無著無相之行。了妄念塵勞。即清淨法性。妄念既無。即非微塵。是 。故云非世界。證得如來法身。普見塵剎。應用無方 。是名世

須菩提於意云何可以三十二相見如來不不也世尊。

界。

四六

即是非相是名三十二相。不可以三十二相得見如來何以故如來說三十二相。

蜜。於意根中修無相無爲。是名三十二清淨行。常修此三十二清淨 三十二相者。是三十二清淨行。三十二清淨行者。於五根中修六波羅

行。即得成佛。若不修三十二相清淨行。終不成佛。但愛著如來三十

相 。自不修三十二相行。終不得見如來

復有人。於此經中。乃至受持四句偈等。爲他人説,其福須菩提。若有善男子。善女人。以恆河沙等身命布施。若

金 剛 經 П 訣

世間重者莫過於身命。菩薩爲法 。於無量劫中捨施身命與一切眾 几 生

其福 除。元是眾生。一念持經。我人頓盡。妄想既除。言下成佛。 雖多。亦不如受持此經四句之福 。多劫捨身。不了空義。 故知多 妄心不

劫捨身。不如持經四句之福

離相寂滅分第十四 聞經解義。 獨悟實相。 故受之以

相寂滅分。

曾得聞如是之經世尊若復有人得聞是經信心清淨。希有世尊佛説如是甚深經典我從昔來所得慧眼未爾時須菩提聞説是經深解義趣涕淚悲泣而白佛言。

則生實相。當知是人成就第一希有功德。

意 所始言聞之。 中。解空第一。已曾勤奉多佛。豈得不聞如是深法。豈於釋迦牟尼佛 自性不癡名慧眼。聞法自悟名法眼。須菩提是阿羅漢。於五百弟子 淨 0 0 故始得聞如是深經。悲昔未悟。 從清淨體 然或是須菩提於往昔所得。乃聲聞慧眼。至今方悟佛 中。流出般若波羅蜜多深法 故涕淚悲泣 。當知決定成就諸佛 0 聞經諦念。 謂之清 功德

世尊。是實相者。即是非相。是故如來說名實相。

也

雖行清淨行。若見垢淨二相 。當情並是垢也。即非清淨心也。 但心有

所得。即非實相。

金剛經口訣

四九

剛 經 訣

者第相。一 世。世 6後五百歲 非相。何以 尊。 所以者 我今得 何我相 以故。此 其有衆 離 即是非相。 切諸相即名諸 得聞 典。信 5受持。不足1 人相 無 經信 I解受持。是· 佛。 相無衆生 生相壽者相 Ħ. 相。 無壽 即

宜爲說 五百 也 須菩提深悟佛意 0 世尊 歲 0 0 蓋 在世 無不契悟 佛在之日 說法之時 。蓋自見業盡垢除。 0 佛滅後 0 雖有中下根不信及懷疑者 。亦有無量眾生。不能信解受持 。後五百歲。 慧 眼 漸至末法。去聖遙遠 明徹 0 0 信 即往 解 受持 問 0 何必獨言後 佛 0 0 即 佛 但存 無 即 隨 難

言教 。人若有疑 。無處咨決。愚迷抱執。不悟無生。著相馳求。輪迴

諸有 言第 0 希有 於此時中 0 於如來滅後 0 得聞深經 。後五百歲 。清心敬信 。若復有人。 。悟無生理者。甚爲希有 能於般若波羅 蜜甚 故

佛告須菩提如是如是。

名實相。即是佛心。故曰離一

深經典

0

信解受持者

。即知此人無我人眾生壽者之相

0

無此四相

是

切諸相。則名諸佛

佛印可須菩提所解。 善契我心。 故重言如是也

有。若復有人。得聞是經不驚不怖不畏。當知是人。甚爲希若復有人。得聞是經不驚不怖不畏。當知是人。甚爲希

聲聞久著法相

峢 經 口 訣 ٥ 執有爲解。不了諸法本空。一 切文字。皆是假立 0 忽

 $T_{\mathbf{i}}$

聞 深 經 諸相不生。言下即佛。所以驚怖。唯是上根菩薩。得聞此

理 。歡喜受持。心無恐怖退轉。 如此之流。甚爲希有

是名第一波羅蜜。

何以故。須菩提。如來說第一

一波羅蜜即非第一

波羅蜜。

口說心不行即非。口說心行即是。心有能所即非。心無能所即是也。

須菩提忍辱波羅蜜如來說非忍辱波羅蜜。

見有辱境當情 。即非。不見辱境當情。即是 。見有身相 :。當: 彼所害

即非。不見有身相。當彼所害。即是。

何以故。須菩提。如我昔爲歌利王割截身體。我於爾時。

五二

節 無 節 我 支解時。若有我 無 相。 衆 相。 人相衆 生相壽者 何 相應生 順

如來因中 云歌利王 說 如來 若有痛惱之心 因中 在初 o 求無上菩提。修忍辱行。爾時天帝釋化作旃檀羅 地 0 曾爲 時 0 o 爲忍辱: 國王 即生 。常行十善。 嗔 仙 恨 人。 0 歌 被歌利王割截 利 王是梵語 利益蒼生 0 身體 此云無道極惡君 0 國人歌讚 0 無一 念痛 此王 。乞王身 0 惱之 也 故

須 無 提又念過 生 於 作 忍辱仙人。於爾 所 世。無

肉

即

割

施

0

殊

無順

惱

。今並存二說

於理

俱通

金剛經口訣

Ŧi. JU

欲令一切修行人。成就忍辱波羅蜜行。行忍辱波羅蜜行者。不見 如來因中於五百世修忍辱波羅蜜。以得四相不生。如來自述往因者 一切

。冤親平等。無是無非。被他打罵殘害。歡喜受之。倍加恭

敬。行如是行者。即能成就忍辱波羅蜜也。

人過惡

提心。是故須菩提菩薩應離一切相發阿耨多羅三藐三菩是故須菩提。菩薩應離一切相。發阿耨多羅三藐三菩

心。不應住色生心不應住聲香味觸法生心應生無所住不應住色生心不應住聲香味觸法生心。

心。由此妄心。積集無量業結。覆蓋佛性。雖種種勤苦修行。不除心 不應住色生心者。是都標也。聲香等別。列其名也。於此六塵起憎愛

垢 0 無解脫之理。推其根本。都由色上住心。如能念念常行般若波羅

蜜 推諸法空。不生執著。念念常自精進。一心守護。無令放逸 。淨

勤 。常住般若波羅蜜多。 相應作意 0 無時暫捨

名經云

。上求一切智。

無非時求。

大般若經云

0

菩薩摩訶薩晝夜精

若心有住則爲非住。

若心住涅槃。非是菩薩住處。不住涅槃。不住諸法。一 是菩薩住處。上文說應無所住而生其心是也。 切處不住。方

是故佛説菩薩心不應住色布施須菩提菩薩爲利益

切衆生應如是布施。

菩薩不爲求望自身快樂。而行布施。 剛 經 訣 但爲內破慳心 。外利益 一切眾

Ћ. Ŧi.

生. 一。 而行: 布施也

如來說一 切諸相即是非相又説一 切衆生則非衆生。

可破壞。非真實體也。 云。如來者無所從來。亦無所去。故名如來。 如者不生。來者不滅。不生者我人等相不生。不滅者覺照不滅。下文 一切眾生。盡是假名。若離妄心。即無眾生可 如來說我人等相。畢竟

得。故言即非眾生

須菩提。如來是眞語者。實語者。如語者。不誑語者。不

真語者說一切有情無情皆有佛性。實語者說眾生造惡業定受苦報。 如

Ŧi. 六

語者說眾生修善法。定有樂報。不誑語者。說般若波羅蜜法 出生三

世佛。決定不虛。不異語者如來所說初善中善後善旨意微妙。一切天

魔外道。無有能超勝及破壞佛語者也。

須菩提如來所得法此法無實無虛。

無實者以法體空寂。無相可

'得。然中有恆沙性德。

用之不匱。

故言

無

虚 欲言其實。無相可得。欲言其虛。 用而無間 0 是故不得言無。 不

得言有。得無而不無。言譬不及者。其唯眞智乎。若不離相修行 無

由臻此。

須菩提。若菩薩心住於法。而行布施。如人入闈即無所

見。

金剛

經口訣

五. 七

金剛經口訣

於 嚴經云。聲聞在如來會中聞法。如盲如聾。爲住諸法相故也。 切法 心有住著。則不了三輪體空。 如盲者處闇。 無所 曉了

若菩薩心不住法。而行布施。如人有目。日光明照見種

種色。

若菩薩常行般若波羅蜜多無著無相行。如人有目。處於皎日之中何所

不見也。

讀誦則爲如來以佛智慧。悉知是人。悉見是人。皆得成 須菩提。當來之世。若有善男子。善女人。能於此經。受持

就無量無邊功德。

五八

當來之世者 行 於 此 時 中 0 如來滅後。後五 。若有善男子善女人。得遇此經。 · 百歲 。濁惡之世。 從師稟受 邪法競起 0 0 讀 正法 誦 難 在

心 。 三世諸佛。 精進不忘。依義修行。悟入佛之知見。 無不知之。 則能成就阿耨菩提

0

以是

持經 功德分第十五 受持讀誦 自利 利 他 功 德 無 邊

0

0

0

不可 稱量。故受之以持經功德 分 0

施。須 身布施如是無量百千萬億劫。以身布施若復有中日分復以恆河沙等身布施。後日分亦以恆河 ·提·若有善男子。善女人。初 日分 恆 泂 沙等 沙

聞此經典信心不逆其福勝彼何況書寫受持讀誦爲

人解説。 捨身有漏之福 心有能所 多。何況更能書寫受持爲人解說。當知此人。決定成就阿耨多羅三藐 人功德。勝前多劫捨身功德。百千萬億不可譬喻。一念聞經 佛說末法之時。得聞此經。信心不逆。四相不生。即是佛之知見 三菩提 三藐三菩提 。所以種種方便。爲說如是甚深經典。俾離諸相。得阿耨多羅 。未離眾生之見 。所得福德。 。比持經無漏之慧。實不可及。故雖十方聚寶。三世捨 無有邊際。蓋緣多劫捨身。不了諸法本空。 0 如能聞經悟道 。我人頓盡 。言下即佛 。其福 診將 。 此 尙

身。不如持經四句偈

法云。心有能所四字。一本云。 有能捨所捨心。有元來未離眾生之

見。此解意又分明。故兩存之。

須菩提。以要言之。是經有不可思議。不可稱量無邊功

德。

故言不可稱量 持經之人。心無我所。無我所故。是為佛心。佛心功德。無有邊際

如來爲發大乘者説爲發最上乘者説

淨法可求。不見眾生可度。不見涅槃可證 大乘者智慧廣大。善能建立一切法。最上乘者。不見垢法可厭 。不作度眾生心。不作不度 不見

眾生心。是名最上乘。亦名一切智。亦名無生忍。亦名大般若

剛經口訣

人。皆得成就不可量不可稱無有邊不可思議功德如若有人能受持讀誦廣爲人該如來悉知是人忍具是 人能受持讀誦廣爲 人説如來悉知是人悉見是

是人等。即爲荷擔如來阿耨多羅三藐三菩提。 性如來 若有人發心求佛無上道 無著之行。以能行此行。有大智慧光明。出離塵勞 量 究竟。復起利他之行。能爲人解說。令諸學者。自悟無相理。得見本 能流通此經也。上根之人。聞此經典。得深悟佛意。持自心經。見性 人解說。令其深悟。不生毀謗。得大忍力。大智慧力。 聞經 。成無上道。 解義 0 如教修行 當知說法之人。所得功德。 。聞此無相無爲甚深之法。即當信解受持 。復能廣爲 人說 。令諸眾生。得悟修行 無有 。雖離塵勞 邊際 大方! 便力 。不作 不可稱 無相 0 爲

離 塵勞之念 o 即得阿耨多羅三藐三菩提 0 故名荷擔如來 o 當知持經之

人。自有無量無邊不可思議功德。

見。何 即於此經不能聽受讀誦爲人解說。 以故。須菩提。若樂 小法者。著我 見 人見衆生見壽者

何名樂小法者 0 爲二 乘聲聞· 人 0 樂小果不發大心 0 故即: 於如

來

深

不能受持讀誦。爲人解說

須菩提 應供養當 在 知 此處。 處若 則爲是塔皆應恭敬作 有此經。 切 間 阿 修 羅。 所

金剛經口訣

若人口誦般若。心行般若。在在處處。常行無爲無相之行。此人所在

之處 如有佛塔。感得一切天人。各持供養。作禮恭敬。與佛無異

能受持經者 。是人心中。自有世尊。故云如佛塔廟。當知所得福德

無量無邊。

能淨業障分第十六 恆沙罪業 。一念消除果報

罪業則爲消滅。當得阿耨多羅三藐三菩提。 輕賤是人先世罪業應墮惡道以今世人輕賤故先世 復次須菩提。若善男子。善女人。受持讀誦此經若爲

佛言持經之人。如得一切天人恭敬供養。爲前生有重業障故。今生雖

四

計較 妄心 得受持諸佛如來甚深經典。常被人輕賤 故云先世罪業。即爲消滅。妄念既滅。罪業不成。即得菩提也 劫以至今生。 經典故。不起人我等相。不問冤親。常行恭敬。心無惱恨 。今世即是後念覺心。以後念覺心。 。念念常行般若波羅蜜行 所有極惡罪障 0 並能消滅 。曾無退轉 。不得人恭敬供養 0 輕賤前念妄心。妄不得住 又約理而言 。以能如是修行故 0 先世即 。蕩然無所 0 自以受持 0 得無量 是前念

百四千萬億那由他諸佛悉皆供養承事無空過者若須菩提我念過去無量阿僧祇劫於然燈佛前得値八 供養諸佛功德。百分不及一。千萬億分。乃至算數譬喻 有人於後末世能受持讀誦此經所得功德於我

所不能及。

供養恆沙諸佛。施寶滿三千界。捨身如微塵數。種種福德不及持經一

念悟無生理。息希望心。遠離眾生顚倒知見。即到波羅蜜彼岸。永出

三塗。證無餘涅槃也。

所得功德。我若具説者。或有人聞。心則狂亂狐疑不信。 須菩提。若善男子。善女人。於後末世。有受持讀誦此

捨 佛言末法眾生。德薄垢重。嫉妒彌深。邪見熾盛 男子善女人。受持讀誦此經 謙下柔利 0 究竟成就無上菩提。或有人不知如來正法。常住不 。圓成法相。了無所得。念念常行慈悲喜 。於此時中。如有善

滅 聞說如來滅後。後五百歲。有人能成就無相心。行無相行 '。得阿

耨多羅三藐三菩提。則必心生驚怖。狐疑不信

須菩提當知是經義不可思議果報亦不可思議

是經義者。即無著無相行也。云不可思議者。讚歎無著無相行 :。能成

究竟無我分第十七 本來無我。安得有人。爲度彼人

就阿耨多羅三藐三菩提也

0

故權立我。故受之以究竟無我分

爾時須菩提自佛言世尊善男子。善女人。歿阿耨多羅書, 善男子。善女人。發阿耨多羅三藐三菩提心者。當生

金 剛 經 \Box 訣

剛 經口 訣

衆生實滅度者。 切衆生滅度一切衆生已而無有

須菩提問佛。如來滅後後五百歲。若有人發阿耨多羅三藐三菩提心

生。 依何法而住。 盡得成佛已。不得見有一眾生是我滅度者。何以故 如何降伏其心。佛言當發度脫一切眾生心。 。爲除能所

度脱一

切眾

心。除有眾生心。亦除我見心也。

何 以故須菩提若菩薩有我相。人相衆生相。壽者相則

菩薩若見有眾生可度者。即是我相。有能度眾生心。即是人相 1。謂涅

槃可 '求。即是眾生相。見有涅槃可證。即是壽者相。有此四相 即即 非

菩薩也。

心者。所以者何。須菩提。實無有法發阿耨多羅三藐三菩提所以者何。須菩提。實無有法發阿耨多羅三藐三菩提

者。亦是人我等法。人我等法。是煩惱根本 有法者。我人等四法是也。不除四法。終不得菩提。若言我發菩提心

三藐三菩提不不也世尊如我解佛所説義。須菩提於意云何如來於然燈佛所。有法得 所。無有法得阿耨多羅三藐三菩提。佛言如是 如我解佛所説義佛於然燈 阿 梅多羅

忇

理 佛 告須 故言 菩 不也。 提 我於 善契 師 佛意 處 0 不 0 故 除 佛 四 言 相 0 0 得授記 如是 如是 不 0 0 言是 須菩提深解無 0 即 印可之辭 相之

是言汝於來世當得作佛號釋迦牟尼何以故如來是我得阿耨多羅三藐三菩提是故然燈佛與我授記法院,在與我授記汝於來世當得作佛號釋迦牟尼以實提若有法如來得阿耨多羅三藐三菩提者然燈佛須菩提實無有法如來得阿耨多羅三藐三菩提後 是法不提。須 以實際 無

佛言實無我人眾生壽者。始得受菩提記。我若有發菩提心 然燈佛則

提無我 不與我授記 義 0 佛言諸法如義者 0 以實無所得 0 然燈佛始與我授記 0 諸法即是色聲香味觸 0 此一 法 段文 0 於此 0 天 總成須菩 塵 中

歷劫常存 善能分別 0 0 是名諸法如義。菩薩瓔珞經云 而本體湛然。不染不著。曾無變異 。毀譽不動。是如 。如空不動。 來行 圓通 **瑩澈**

佛境界經云

o

諸欲不染故。

敬禮無所觀

多羅三藐三菩提於是中無實無虛。 法佛得阿耨多羅三藐三菩提須菩提如來所得 有人言如來得阿耨多羅三藐三菩提須菩提。 實無

佛言實無所得心。 而得菩提。 以所得心不生。 是故得菩提。 雛 此心

金剛

經

 \Box

訣

外 更無菩提可 得。 故言無實 也。所得心寂滅 切智本有 。萬行悉

圓備。恆沙德性。用無乏少。故言無虛也。

即非一切法是故名一切法。是故如來說一切法皆是佛 切法。皆是佛法。須菩提。所言一切法者。

非 知一 能於諸法。心無取捨。亦無能所。熾然建立一切法。而心常空寂 切法皆是佛法。恐迷者貪著。一切生爲佛法。爲遣此病。故言即 切法。心無能所。寂而常照。定慧齊行。體用一致 。是故名一切 故故

須菩提。譬如人身長大須菩提言世尊。如來說人身長

法

_

大則爲非大身。是名大身。

依行 智慧 量。是名大身。法身本無處所。故言則非大身。又以色身雖大 如來說人身長大。則爲非大身者。以顯一切眾生。法身不二。無有限 。即非大身 。即非大身。色身雖小。 0 依教修行。 悟入諸佛無上知見。心無能所限量 內有智慧。得名大身。雖有智慧 。不能 。 内 0 無

須菩提。菩薩亦如是若作是言。我當滅度無量衆生則

不名菩薩。

名大身也

菩薩若言由我說法。 有我所。雖度脫眾生。心有能所。我人不除。不得名爲菩薩。 除得彼人煩惱。即是法我。若言我度得眾生 熾然說 。 即

金剛經口訣

何 以故須菩提實無有法名爲菩薩是故佛説一 種 種 方便 化度眾生。心無能所。即是菩薩也。 切法。

以故如來說莊嚴佛土者即非莊嚴是名莊嚴。須菩提。若菩薩作是言。我當莊嚴佛土。是不名菩薩何 無我無人無衆生無壽者。

使有人造得白銀精舍滿三千大千世界。不如一念禪定心。心有能所 非菩薩。熾然建立世界。能所心不生。是名菩薩。最勝妙定經云。假 菩薩若言我能建立世界者。即非菩薩 。雖然建立 世界。心有能所 0 即

即非禪定。能所不生。是名禪定。禪定即是清淨心也

七 几

須菩提。若菩薩通達無我法者。如來說名眞是菩薩。

薩 者 於諸法相 o 0 解行圓滿 如來說名。 0 無所滯碍。是名通達。不作解法心。是名無我法 。一切能所心盡 眞是菩薩 。隨分行持。亦得名爲菩薩 。方得名眞是菩薩 。然未爲眞 0 無我

法

同 觀分第十八 眼攝五 眼 ° 沙 攝 恆 河 沙 世

界攝多世界。一心攝若干心。故受之以一

體同觀

分

天眼須菩提於意云何如來有慧眼不如是世尊如眼須菩提於意云何如來有天眼不如是世尊如來,須菩提於意云何如來有肉眼不如是世尊如來有

剛 經 П

來有法眼須菩提於意云何如來有佛眼不如是世尊。有慧眼須菩提於意云何如來有法眼不如是世尊如

如

來有佛眼。 爲慧眼 眼 眼 生 明。念念修行般若波羅蜜法。初除迷心。名爲第一肉眼 般若波羅蜜。能生三世一切法。名為佛眼 切人盡有五眼。爲迷所覆。不能自見。故佛教除却迷心。 。皆有佛性。起憐愍心。是名爲第二天眼。痴心不生。名爲第三慧 。又云見色身中有法身。名爲天眼。見一 著法心除。名爲第四法眼。細惑永盡。圓明徧照。名爲第五佛 。見性明徹 0 能所永除 。一切佛法 0 本來自備。名爲法眼 切眾生。各具般若性 。 見 一 即五眼開 切眾 。見

沙。世 寧爲多不。甚多。世尊。 尊如來說是沙須菩提於意云何。菩提於意云何如恆河中所有沙 有如是沙等恆 河是諸恆河所有沙數佛 佛 如 説是 恆 世界。如 沙不。如 河中 所 有

沙一 者 恆 河 沙況一 欲 者 明其中。 0 西 世界。以爲多不。須菩提言甚多。世 國 祇 園精 所有眾生。一一眾生。皆有若許心數也 :舍側近 河 0 如來說法 0 指 此 尊 河 。佛舉此眾多國 爲 喻 佛說 此 泂 中

佛 知 何以故。如來說諸心皆爲 1須菩提爾 所 國 土中。 爲非心是名爲心。如來所有衆生若干種心如來

金剛經口訣

爾所國土中所有眾生。一一眾生。皆有若干差別心數。心數雖多。總

七八

名妄心。識得妄心非心。是名爲心。此心即真心。常心。佛心。般若

波羅蜜心。清淨菩提涅槃心。

心不可得。 所以者何。須菩提。過去心不可得。現在心不可得。未來

得者。真心無相。憑何得見。未來心不可得者。本無可得。習氣已 過去心不可得者。前念妄心。瞥然已過。追尋無有處所。現在心不可

盡。更不復生。了此三心皆不可得。是名爲佛。

法界通化分第十九 遍週法界。一化普通。七寶福田。

寧如四句。故受之以法界通化分。

緣得福甚多須菩提若福德有實如來不說得福德多。布施。是人以是因緣得福多不如是世尊此人以是因須菩提於意云何若有人滿三千大千世界七寶以用 以福德無故如來說得福德多。

七寶之福 。不能成就佛果菩提 0 故言 無 也 0 以其無量 數限 0 故 名曰

多。如能超過。即不說多也。

離色離相分第二十 即非具足。故受之以離色離相分。 三身具足 0 諸 相圓成 人法俱忘

須菩提於意云何佛可以具足色身見不不也世尊如

金剛經口訣

七九

來不應以具足色身見何以故如來說具足色身即非

具足色身是名具足色身。

身。能自持清淨行。亦名得具足色身。 佛意恐眾生不見法身。但見三十二相。八十種好。紫磨金耀。以爲如 愛如來三十二相。內不行三十二淨行。即非具足色身。不愛如來色 是也。於五根中修六波羅蜜。於意根中定慧雙修。是名具足色身 非具足色身。內具三十二淨行。是名具足色身。淨行者。即六波羅蜜 來眞身。爲遣此迷。故問須菩提。佛可以具足色身見不。三十二相即 。徒

須菩提於意云何如來可以具足諸相見不不也世尊。

0

如來不應以具足諸相見何以故如來說諸相具足即

非具足是名諸相具足

如來真身者。固無此理。縱能見者。祇是化身。非真實無相之法身 徹 足 如來者。即無相法身是也。 。我人等相不生。正智光明常照。是名諸相具足。三毒未泯。言見 0 生我人等相 。以觀三十二相爲如來者。即不名爲具足也。慧眼 非肉眼所見。慧眼乃能見之。慧眼未明具 明

即謗 **説所説分第二十**一終日談空。不談一字。若云有說 如來。故受之以非說所說分

0

也。

金剛經口訣

説故。須菩提。説法者無法可説。是名説法。何以故。若人言如來有所説法。即爲謗佛。不能解我 提次勿謂如來作是念我當有所說法。莫作是念

假立 迷人 說法 凡 作生滅心說 解心說。如來語默皆如。所發言辭。如響應聲。 夫 說法 。令見本性。修證無上菩提 0 於自空性 無說無示 رِبُ ن 。若言如來說法。心有生滅者。即爲謗佛。維摩 有 中 所得 0 聽法者。 0 熾然建立 0 故告須菩提 無聞 。一切言辭演說 無得 0 如來說 。了萬法空寂 法 0 0 心無 諸法無相無爲 任用無心。 • 所 切名言 得 0 不同 經云 凡 夫 0 開導 凡夫 作能 。眞

説 以故。須菩提。衆生衆生者。如來説非衆生。是名衆 佛告 須菩提。彼 非衆 何

濠州鐘 靈幽法師. 離寺石碑上。記六祖解在前 加此。 爾時慧命須菩提以下六十二字。 0 故無解。今亦存之。 是長慶二年。 今現在

無法可得分第二十二 無上正 智 0 實 無少 法 法 無所

得。正徧歷然。故受之以無法可得分。

佛言如是如是須菩提我於阿耨多羅 言世尊佛得 阿 耨多羅

菩提。乃至無有少法可得。是名阿耨多羅三藐三菩提。 Jι

心。亦無所得心。以如是故。得名阿耨多羅三藐三菩提。 須菩提言。所得心盡。即是菩提。佛言如是如是。我於菩提實無希求

淨心行善分第二十三 一法存心。情生高下。 淨心修

行。善法何窮。故受之以淨心行善分。

復次須菩提。是法平等。無有高下。是名阿耨多羅三藐 三菩提。以無我無人無衆生無壽者。修一切善法則得

阿耨多羅三藐三菩提。

此菩提法者。上至諸佛。下至昆蟲。盡含種智。 與佛無異 0 故言平

等 o 無有高下。 以菩提無二故。但離四相。修一切善法。則得菩提 o

若不離四相 。雖修一 切善法。轉增我人欲證解脫之心。 無由可了。若

行方便 離四相 著 0 對一 0 。修一切善法。解脱可期。修一切善法者。於一切法。無有染 隨順眾生。使之歡喜信服。爲說正法。令悟菩提。如是始名 切境。不動不搖。於出世法。不貪不著。不愛。於一切處常

須菩提所言善法者如來説即非善法是名善法。

修行

0

故言修一切善法

0

一切善法。希望果報。即非善法。六度萬行。熾然俱作。心不望

福智無比分第二十四 施寶如山。山非無盡。大身妙

報

o

是名善法

金

曾。斯即寶山。故受之以福智無比分。

八六

四句偈等。受持讀誦爲他人説於前福德。百分不及一。七寶聚。有人持用布施。若人以此般若波羅蜜經乃至須菩提。若三千大千世界中。所有諸須彌山王如是等 百千萬億分。乃至算數譬喻所不能及。 及方。至

貪嗔痴妄念各具一千也。 須彌山高廣三百三十六萬里。以此名爲三千大千世界。就 大鐵圍山 。高廣二百二十四萬里。小鐵圍山。高廣一百一十二 如爾許山盡如須彌。以況七寶數持 理 用布 面 萬里 言 施 0 即 0

所得福德。 無量無邊。終是有漏之因。而無解脫之理。摩訶般若波羅

蜜多四句經文雖少。依之修行 。即得成佛 0 是知持經之福 能令眾生

證得菩提。故不可比。

化無所化分第二十五 化門建立 0 未脫筌蹄 0 以要言

之。實無所住。故受之以化無所化分。

衆生如來度者如來則有我人衆生壽者。須菩提。莫作是念何以故實無有衆生如來度者若有須菩提於意云何次等勿謂如來作是念我當度衆生。

念。一切眾生。本自是佛。若言如來度得眾生成佛。即爲妄語。以妄 須菩提意謂如來有度眾生心。佛爲遣須菩提如是疑心。故言莫作是

八八

語故 性 。若 。即是我人眾生壽者。此爲遣我所心也。夫一切眾生。雖有佛 不因諸佛說法。無由自悟。憑何修行。得成佛道

我須菩提凡夫者如來説即非凡夫是名凡夫。 須菩提如來説有我者。則非有我而凡夫之人。以爲有

實之我。故言凡夫之人。以爲有我。有我人者。即是凡夫。我人不 即是凡夫。心無能所。即非凡夫。 若波羅蜜多。即是凡夫。若悟般若波羅蜜多。即非凡夫。心有能所 生。即非凡夫。心有生滅。即是凡夫。心無生滅。即非凡夫。不悟般 如來說有我者是自性清淨。常樂我淨之我。不同凡夫貪嗔無明虛妄不

身 相 分第二十六 色見聲求 0 是行 7邪道 o 於 妼 妙

契。獨露眞常。故受之以法身非相分。

如來者。轉輪聖王則是如來。須菩提白佛言,世尊如我如是如是。以三十二相觀如來。佛言若以三十二相觀須菩提於意云何可以三十二相觀如來不。須菩提言。 佛所説義不應以三十二相觀如來。

言如是 世尊大慈。恐須菩提執相之病未除。 離眞轉遠。 如是之言。早是迷心。更言以三十二相觀如來。又是一 故如來爲說除彼迷心。若以三十二相觀如 故作此問。須菩提未知佛意 來者 轉輪 重 迷 乃

|。即是如來。轉輪聖王。雖有三十二相。豈得同如來。世尊引此

言者 。以遺須菩提執相之病。令其所悟深澈。須菩提被問 。迷心頓

釋。 漢 所悟甚深得方便。不生迷路。以冀世尊除遣細惑。令後世眾生所 故云如我解佛所說義。不應以三十二相觀如來。須菩提是大阿羅

見。不謬也。

爾時世尊而説偈言。

若以色見我以音聲求我是人行邪道不能見如來。

若以兩字。是發語之端。色者相也。見者識也。我者。是一切眾生身 中自性清淨。無爲無相眞常之體。不可高聲念佛。而得成就。念須正

念分明。方得悟解

。若以色聲求之。不可見也。是知於相中觀佛

九〇

中求 法 。心有生滅 。不悟. 如來 矣

無

分

相

丽

無 相

0

空且

不空

0 亘

古亘

斷 滅 第二十七

今 。 孰云斷 滅 0 故受之以無斷 無滅 分

三藐三菩提須菩提奠作是須菩提汝若作是念如來不 羅 阿 耨多羅三藐 一藐三菩提心者。説諸法 三藐三菩提心者。於法不説斷 三菩提須菩提。 汝若: 如 來 念發阿耨 得 阿 耨

須菩提聞說眞身離 相 0 便謂不修三十二淨行 。而得菩 提 o 佛語 須菩

經 訣

提 。莫言如來不修三十二淨行 。而得菩提。汝若言不修三十二淨行

九二

得阿耨菩提者。即是斷佛種性 0 無有是處

不受不貪分第二十八 大心成忍。本自無貪。世福甚

多。云何有受。故受之以不受不貪分。

得功德何以故。異本有須菩提以諸菩薩不受福德故須復有人。知一切法無我得成於忍。此菩薩勝前菩薩所須菩提。若菩薩以滿恆河沙等世界七寶持用布施若 菩提白佛言。世尊云何菩薩不受福德。須菩提菩薩所 :德不應貪著。是故説不受福德。

通達 切法 。無能所心。是名爲忍。此人所得福德 0 勝前七寶福德 o

菩薩所作福德。不爲自己。意在利益一切眾生。故言不受福德

威儀寂靜分第二十九 去來坐臥。 無不如如。故受之以

威儀寂靜分。

來。我所說義何以故如來者。無所從來亦無所去故名,我所說義何以故如來者。無所從來亦無所去。故名,須菩提若有人言如來若來若去。若坐若臥是人不,

四威儀中。常在空寂。即是如來也。 如來非來非不來。 非去非不去 。非坐非不坐。非臥非不臥。行住坐臥

金 剛 經 \Box 訣

剛 經 訣

相理分第三十 信心不斷。 斯即微塵 信 寶徧 充

須菩提。若善男子。善女人。以三千大千世界。碎爲微塵。 是名世界。界塵一合。法爾如然。故受之以一合相理分。

尊何以故。若是微塵衆實有者。佛則不說是微塵衆。 於意云何。是微塵衆。寧爲多不。須菩提言。甚多。 與本無: 以者何佛説微塵衆則非微塵衆。是名微塵衆。

佛說三千大千世界。以喻一切眾生性上微塵之數。如三千大千世界中 照 所有微塵 趣向菩提也。念念不住。常在清淨。如是清淨微塵。是名微塵 。一切眾生性上妄念微塵。即非微塵者。聞經悟道。覺慧常

0

九 四

默。

世尊。如來所説三千大千世界。則非世界。是名世界。

凡作聖 三千者約理而言。則貪嗔痴妄念各具一千數也。心爲善惡之本。能作 0 其動靜不可測度。廣大無邊 。故名大千世界。

非 何 一合相是名一合相。以故若世界實有者。則是一 合相如來說一 合相。則

所得故 心中明了。莫過悲智二法。 0 即非一合相。心無所得。是名一合相。一合相者。不壞假 由此二法 0 而得菩提 o 說一合相 者 心有

名。而談實相。

金剛經口訣

剛 經 訣

須菩提。一合相者即是不可說。但凡夫之人。貪蓍其事。 九六

文字事業。不行悲智二法。若不行悲智二法。而求無上菩提。何由可 由悲智二法。成就佛果菩提。說不可盡。妙不可言。凡夫之人。貪著

知見不生分第二十一四見俱非。是名四見。故受之以知

見不生分。

得。

於意云何。是人解我所說義不。世尊。是人不解如來所須菩提。若人言。佛說我見人見衆生見壽者見。須菩提。 説義。何以故。世尊説我見人見衆生見壽者見即非我

見 人見衆生見壽者見是名我見人見衆生見壽者見。

有佛性 蜜法 不解佛意 如來說此經者。令一切眾生。自悟般若智慧。自修行菩提果。凡夫人 切眾生本自無煩惱。是眾生見。說一 0 如來所說我人等見。不同凡夫我人等見。如來說 是真我見 。便謂如來說我人等見。不知如來說甚深無相無爲般若波羅 О 說一 切眾生有無漏智 切眾生。性本不生不滅。是壽 。性本自具足 。 是· 切眾生 人見 說

須菩提。發阿耨多羅 知如是見如是信解不 解不生法相。須菩提。所言法相三藐三菩提心者。於一切法應

者見。

經口

九 七

發菩提心者。應見一切眾生皆有佛性。應見一切眾生無漏 種智。本自

具足。應信一切眾生本無煩惱。應信一切眾生。自性本無生滅。雖行

所 切智慧。方便接物利生。不作能所之心。口說無相法 0 即非法相。 口說無相法。心行無相行 。而能所心滅。 。而心有能 是名法相

應化非真分第三十二 一念發心。 獲福亦爾 0

應身化

也。

若有善男子。善女人。發菩提心者。持於此經乃至四句 須菩提。若有人以滿無量阿僧祇世界七寶。持用布施。 物 。豈得已哉。眞佛流通。於事畢矣。故受之以應化非眞分。

九 八

等。受持讀誦爲 人演説其福勝彼云何爲人演説不

取於相如如不動。

如之心 人演說 彼百千萬億 七寶福雖多。 。所聽法人。 無所得心。 0 不如有人發菩提心。受持此經四句。 不可譬喻 無勝負心。無希望心。無生滅心。是名如如不動 有種種相貌不等。不得作分別之心。但了空寂如 。說法善巧方便 0 觀根 應量 爲人演說。 0 種種 隨宜 其福縣 是名 勝

何以故。

也

切有爲法如夢幻泡影如露亦如 電應作

金剛經口訣

夢者是妄身。幻者是妄念。泡者是煩惱。影者是業障。夢幻泡影業。

是名有爲法。若無爲法。則眞實離名相。悟者無諸業。

0

金 剛 般 若 按此下有 陳 友 諒 及 眷 靨 發 願文 今 亦 錄

六祖口訣後序

者之所 始 識 根 命 而 自 法 之 後 性 性 來 0 0 所 有 六 天 圓 0 0 託 含 者 不 見 根 命 寂 各有 也 也 自 也 能 既 0 性 離 0 立 本 0 0 有 真妄之所 分 Щ 則 生 無 0 別 氣 生 滅 眞 是 生 菩 足 則 者 滅 0 空入 中有 則 有 提 0 0 形 共 精 皆 因 也 有 足 爲 處 所總持者 有 0 0 ٥ 者 生念 0 形 此 此 前日生念轉而爲意識 精 者 心 也 在 足 地 所 性 0 ٥ 則 水 當 遂 時 累 0 生神 火 是故謂之心 皆 凡 有 0 夫聖 生緣 風之聚 自 故 諸 空 0 一賢幾 神足 寂 佛 0 沫 惟 故 0 (會之地 則 者 天 丽 教 0 o 生 也 人了 心者念慮之所 得 湛 意識之用 然若 妙 命之以 0 以 此 也 用 Щ 無 心 0 0 然 氣 生 0 0 0 則 爲 切 緣 此 0 眾 散 妙 體 心 在 是 有 用 了 生 丽 故 生 也 0 爲六 者 有 念 即 自 謂 ٥ 生 之 見 無 神 0

金

逐 即 物 是 0 在 聖 吾 賢 員 寂 明 時 而 之眞 應 物 我 0 逐 也 物 0 者 大 自 形 之 彼 遇 0 應 物 物 0 者 故 自 見 之於 我 自 作 彼 爲 者 而 著 已 於 0 所 但 見 凡 夫 故 迷 覓 而

0

0

0

其 輪 未 迴 生之 0 自 時 我 者 0 當體常· 所 謂 性 空 者 0 0 員 故 滿 萬 具 劫 足 如 0 ___ 空 0 然 合 無 而 物 觀 之。 0 湛 皆 乎 心之妙 自 然 0 其 用 廣 也 大 0 與 是 故 虚 空 當

生 0 況 於 四 大 平 0 況 於 五. 行 乎 0 既 有 生 念 0 又 有 生 緣 0 故 天 得 以 生 命 我 0

等

0

往

來

變

化

0

__

切

自

由

0

天

雖

欲

命

我

以

生

0

其

可

得

乎

0

天

猶

不

能

命

我

以

四 大 0 得 在 凡 以 夫 氣 聖 形 賢之所 我 0 五. 以 行 生 得 滅 以 則 數 約 殊 我 0 凡 0 此 夫之人 有 生 者之 0 生 緣 所 念 以 有 有 0 滅 識 也 0 隨 業 然 變 則 生 0 習 滅 氣 則

妄 以 薰 爲 染 諸 我 0 妄 大 有 既 生 0 起 妄 愈 甚 認 煩 0 色 惱 故 聲 既 萬 以 生之後 差 爲 。妄念 快樂 0 0 奪眞 心著諸 妄認 塵 眞 妄 勞 性 0 以爲富 妄 遂 隱 認 四 貴 人 大 我爲 0 以 心 爲 自 主 我 知 身 見 眞 0 識 妄 0 無 認 爲 六 客 所 不 親

0

0

0

業 循 前 0 引 至 嶞 0 諸 百 業 趣 後 0 在 隨 於 0 流 諸 趣 浪 牛 0 韓 死 韓 ٥ 無 不 有 知 涯 0 際 愈 恣 0 生 無 盡 明 則 0 造 滅 諸 0 業 滅 盡 罟 復 0 生 遂 至 0 塵 生 沙 滅

相

如 待 劫 青 彼 痣 天 命 ٥ 白 不 0 故 復 \exists 既 人 0 無 生之後 身 毫 o 髮 聖 隱 瞖 0 滯 圓 則 寂之 不 0 故 然 性 建 0 立. 聖 0 依 賢 切 舊 生 善 湛 不 然 因 法 念 o o 徧 無 ٥ 體 應 於 沙 相 洂 無罣 界 丽 生 0 不 碍 0 見 欲 0 其 其 生 少 照 則 萬 生 0 攝 法 0 不 受

於 形 我 0 何 Ŧi. 텚 行 哉 爲 養 0 是 0 故 皆 凡 我 夫 所 有 假 生 o 未 則 有 嘗 滅 妄 認 0 滅 0 我 者 不能 迹 當 不 滅 生 0 0 委而 聖賢 去之 有 生 ٥ 亦 如 有 來 滅 去 耳 o

切

衆

牛

0

皈

於

寂

滅

0

不

以

爲

多

0

驅

之

不

能

來

0

逐

之不

能

去

0

雖

託

四

大

爲

o

煩 滅 者 惱 儲 ٥ 大 如 於 患 空 眞 中 金 0 空 剛 蓋 雷 0 經 不 0 是 口 自 自 故 訣 譽 發 凡 自 也 夫 止 0 牛 覺 o 滅 不 則 0 見 累 如 生 於 身 物 滅 中 如 0 影 身 世 0 上 人不 出 塵 入 知 0 相 當 生 隨 滅 0 振 之 無 奮 如 有 此 耳 盡 o 0 時 何 而 能 以 0 聖 累 生

我

性

滅

爲

貿

生

滅

o

見

切

眾

生

0

本

有

快

樂

自

在

性

0

皆

可

修

證

成

佛

0

欲

切

眾

生

0

盡

爲

聖

賢

生

[74]

0

哉 0 昔 我 如 來 以 大 慈 悲 心 0 閔 切 眾 生 0 迷 錯 顚 倒 0 流 浪 生 死 之 如 此 0 又

滅 0 不 爲 凡 夫 生 滅 0 猶 慮 _ 切 默 生 無 始 以 來 0 流 浪 日 久 0 其 種 性 已 差 0 未

0

0

0

心 能 以 地 法 門 _ 0 見 法 0 速 自 莫 非 悟 性 佛 町 嚀 故 0 証 實 爲 自 語 說 身 八 0 萬 欲 佛 使 四 0 即 干 _ 切 同 法 門 如 眾 來 生 門門 0 0 是 各 故 隨 可 入 如 所 來 見 於 法 皆 諸 門 可 經 到 0 眞 說 入 有 自 如 者 之 心 地 地 0 欲 使 到 每 自 說

是 切 眾 然 生 而 覩 默 相 生 生 執 善 著 0 說 0 見 無 者 有 非 0 眞 欲 有 使 0 切 見 眾 無 非 生 眞 離 相 無 見 0 其 性 見 0 色 所 說 見 空 色 0 空 皆 0 亦 如 是 復 如 執

0

著 0 復 起 斷 常 見 0 轉 爲 生 死 根 蒂 0 不 示 以 無二 法 門 0 又 將 迷 錯 顚 倒 0 流

浪 生 死 0 甚 於 前 H 0 故 如 來 又 爲 說 大 般 若 法 0 破 斷 常二 見 0 使 切 眾 生 0

知 眞 有 眞 無 0 眞 色 眞 空 0 本 來 無二。 亦 不 遠 人 0 湛 然 寂 靜 0 只 在 自 己 性 使 及 其 第 於 說 來 妄 說 如 中 人 信 六 *T*i. 於 來 知 0 0 0 曹 其 易 祖 祖 此 若 爲 平 爲 但 曉 州 哉 傳 心 見 菩 經 發 以 0 濟 衣 諸 薩 自 而 如 反 最 0 0 付 不 陰 來 有 凡 適 相 果 己 上 惑 云 法之 所 說 性 少 非 人 0 乘 於 智 0 觀 住 涉 相 說 __ 者 喜 邢 切 際 慧 故 壇 有 佛 0 說 不 君 諸 也 性 經 即 即 o 0 自 固 聞 破 照 佛 0 見 0 0 是 芝 朥 處 聞 說 然 如 如 破 0 故其 得 六 及 此 所 o 來 諸 0 而 六 諸 其間 又念京 經 謂 妄 祖 以 0 經 祖 由 佛 佛 非 蓋 云 先 口 此 阿 法 直 猶 則 0 顯 說 東 訣 應 即 有 曉 經 耨 取 四生 河 多 無 非 質 切 爲 然 見 自見 北 本 羅 佛 性 所 相 法 頓 四 法之 陜 Ξ 住 漸 o 0 ٥ ٥ 相 西 觀 疑 藐 丽 以 至 者 0 人 其 \equiv 生 類 說 是 必 示 無 次 菩 有 其 是 衆 故 ٥ 言 所 o 云 資 簡 提 所 心 也 生 惟 大 住 凡 性 辭 法 般若 金 演 0 0 0 0 所 質 直 說 言 是 蓋 是 剛 0 有 樸 皆 下 故 0 恐 爲 經 經 0 相 信 明 從 大 六 眾 六 未 眞 爲 白 厚 之 此 悟 祖 生 諦 發 百 0 皆 利 見 經 大 卷 0 ٥ 大 不 0 是爲 遇 是 斷 也 出 師 解 故 乘 事

所

o

如

虚

者

金

剛

經

訣

Ŧi.

0

0

0

0

0

0

0

皆

決 裂 0 若 使 學 佛 性 0 必 能 勇 猛 精 進 0 超 越 過 人 0 然 其 爲 講 0 師 六 者 0 多 傳 百 法

論 0 上 生 經 而 己 0 其 學 者 不 知 萬 法 隨 緣 生 0 緣 盡 法 亦 應 滅 0 反 以 法 爲 法 0

愈 固 陷 0 執 不 著 知 遂 勿 與 爲 沙 法 爭 所 0 縛 即 能 死 出 不 陷 0 解 良 可 惜 也 0 適 遂 欲 以 六 祖 金 剛 經 口 訣 0

守

0

0

知

0

猶

如

陷

沙

之人

0

力

與

沙

爭

0

愈

用

力

而

之 年 鏤 間 板 0 且 凡 流 得 傳 從 八 0 諸 以 本 朝 開 士: 0 發 以 惟 此 資 杭 數 募 越 方學者 I. 建 陝 0 大 四 佛 本 夫 性 文 聞 0 者 多 然 司 0 以 皆 0 文多脫 樂 大 見 得 助 刊 誤 正 0 0 謬 四 大 句 明 廣 樓 0 求 君 董 別 常 君 本 遒 願 刊 終 力 校 承 勸 0 其 + 成

諦 事 耶 0 嗚 0 然 呼 非 0 如 言 語 來 文字 云 0 無 0 法 則 可 眞 說 諦 是名 不可 說 得 法 而 0 傳 夫 也 可 0 見 學者因 於 言 語 六 文字 祖 口 者 豈 訣 以 佛 求 法 之 金 剛 眞

經 0 因 金 剛 經 以 求 見自 佛 性 0 見 自 佛 性 0 然 後 知 佛 法 不 止 於 口 訣 而 已 0 如

此 則 六 祖之於 佛 法 0 其 功 可 思議 乎 哉 0 或者 以六祖 不 識 字 0 疑 口 訣 以非六祖

所

而弟子傳之。吾不得而知也 作。 0 苟因 口訣可以見經。何疑其不識字也

元豐七年六月十日天臺羅適謹序

校 重 原 訂 輯 本 宋 史 六 祖 元 鳳

儒

訣

惕

毛

園 和

之

宋元 故書 亦 十 函丁 十 經 曩 日 等 年 年 讀 豐間 金 局 而 攤 未 曾 0 剛 其 中 詢 獲 鳳 不 中 經 遇 購 0 儀 所 偶 多引六 天台羅適 解 者 所 0 據 得 義 檢 著 0 得 者乃四 復 金 。即六 祖口 來 本 亦 剛 全 未 經宗 0 。曾搜求之。 Ш 見 祖註金剛 不 顏 訣 原本 費工 日 出 通 。及六 大鑒 版 0 夫 及 0 0 經 心 係 也 禪 祖 Ŧi. 註金 中 師 采擷壇經之有 0 + 彼時已有十餘種 原 大爲 此 金 家 是一 書 剛 註 剛 失望 係 經 金 經 種 六 0 剛 顧 0 祖 訣 經 0 大 關 己卯春蟄居 惠 0 此 0 人抄 又近 能 歸 金 口訣或經註 0 剛 所 而 但杭 輯 人丁 口 細 經各條 而 講 校 越 名不 北 福 0 0 建 乃 平 而 原 保 故 陝 本 同 知 鶩 所 曰 0 四 者 耳 在 即 注 口 本相 求之 之壇 訣 尋 廠 0 當 之 比 甸

金剛經口訣

同 0 乃 印 行之。 即 此 本 也 0 此 本 又 重 刊 於 元 末 0 大 經 後 有 陳 友 諒 及 妻湯 氏

記 而 Ŧi. 未果也 娘等 八 卷 願文可 並 遺失 0 戊子冬患胃疾甚 知 0 良 0 余適參 可 惜 也 禪於 0 來 重 彌勒院 臺 0 就 後 醫甯 0 偶 0 因 於 桂 篋 抄 間 中 呈真空禪 0 己丑 復 獲 秋 口 訣 赴 師 鑒定 副 渝 本 0 抄 0 0 本 硕 擬 抄 印行 及 錄之 楞 流 伽 新 通

此方 人 士 多 好 佛 0 宿 植 善 根 者 0 其 覽之 0

民

國三十九年庚寅六月十日河北史鳳儒序於高雄鋁廠中八歲

常

印造

經像

既

有如

此

殊勝功德故凡

遇〇祝壽〇賀喜〇兔災〇祈

〇懺悔

〇薦拔之時皆宜歡喜施捨努力行之。

得見佛聞法。直至三慧宏開六通親證速得成佛。

0

能爲 永離惡道受生善道 愚者轉智病者轉健困 所言所行人天歡喜任 至心奉法雖無希求自然衣食豐足家庭和 心得安慰日無險事夜無惡夢顏色光澤氣力充盛所作吉 夜叉惡鬼不能侵犯毒蛇餓虎不能爲害。 **夙生怨對咸蒙法益** 從 前 所 一切眾生種植善根以眾生心作大福 神 作 擠 種 護, 種 切瘟疫水火寇盗刀兵牢獄之災悉皆不受 過 用貌端正天資超越福 而得解脫永免尋仇報復之苦。 輕者立 者轉亨爲婦女者報謝之日捷轉男身。 .到何方常爲多眾傾城愛戴恭敬禮拜。 即消 者亦 禄殊勝。 田獲無量勝果所生之處 睦福祿縣長。 得 轉

佛陀彌阿垂南

盡 莊 同 悉發菩提 若有見聞 上 願 下濟三途苦 報 嚴 生極 此 以 回 四重思 佛 此 報 樂 淨 功 向 國 身 Ü 者 土

通流印翻迎歡 緣結費免

承 傳 流 倡 香 地 EP EP 贈 EP 通 者 **真** : 處 者 者: 話 話 址 金 (0:) Ξ (〇二) ニカハニー〇九 福 台 社 (0=) 北市信義路 岡山 峰 图 彩 法 ニセ 二七五 꽾 色 人 賓 空 四段三三三之一號二樓 EP 举 五 刷 藏 四 四 ーセ 有 淨 弟 法 ・七二六 FR 宗 ーセ 學 公 五 セ

子

師

自

淨

其

意

是

諸

佛

教

司

公元一九九九年八月 諸 恶 莫 作 敬印伍 眾 仟 善 册 奉 行



華藏净宗學會

本會一切法寶,免費結緣,禁止販售,請勿擅改內容,歡迎翻印流通。 All the Dharma material in this association is for free distribution. Please don't sell it nor alter any content without authorization. Any reproduction or circulation is appreciated.